

مجموعه ابو الضرب

ماسوا شایده سندن دلی تطهیره چالش
بر تو حکمت و عرفان ایله تنویره آتش

هر ماه عربی ابتداسیله اون بشتنده نشر اولنور فنون مجموعه سیدر

جزو ۴۶ [فی ۱۵ جمادی الاولی سنه ۱۳۰۲] نسخده سی ۳ غروش

توتونك سوء استعمالی

فرانسه ده توتونك سوء استعمالی منع ایچون تشكیل ایدن جمعیت ،
صحت عمومیه یی وقایه مقصدیله داخلیه نظارتك مداخله سنی استدعا ایتمشدر .
داخلیه نظارتی دخی توتونك سوء استعمالی حقنده آنجق اطباءن ایضاحات
صلب ایندیکله او بایده آتیده کی راپورت اعطا قلمشدر که درکار اولان محسنانه
بناءً مآلتك تقانی مناسب گوردك !

راپورته اولان توتونك [نفوتین] استمنده کی سمدار اساسندن بدایله بوبایده
بعض تجربه لر ایراد ایدلر کدن صکره اشبو جزو ك برقاچ طامله سی مثلاً بیوك
بر حیوانی اتلاف ایده ییله جك قدر قوه سمیه یه مالک اولدینی بیان اولمشدر .
جزو مذکور بعض توتونلرده ۱۰۰ ده ۷ نسبتنده بولسوب الك قوتلی و صحیح
تجربه لر گوره سیغاره صورتیله ایچلدیگی زمان یوز غرامده ۵۰ سانتیگرام
بالامتصاص انسانك وجودینه داخل اولور .

موسیو بو . پته ، ده سترن ، زه لینیو ، رشفور ، بودرا و سائر حذاق
اطباءنك اجرا ایتدکری تجاریب جدیدیه نظراً توتون انسانده برسوء هضم
انتاج ایتدیگی کبی دوران دمده دخی اختلالات ، حجان قلب ، ضیق صدر
کبی امراضی ایقاع ایدر . بونلردن بشقه اوله رق قوای عقلیه ده نقصان
و ضعف بصر و قوه حافظه نك تدنسی ایله قوه تولیدیه نك تنزلی کبی
عقوبات مؤلمه درکه بونلر دیگرلرندن البته ده اآ اهمیتتی حائر دکلدر .
بتون بو احوال تصدیق اولغقله برابر الیوم توتون حقنده اولان اعتیاد
عمومی (فرانسه ده) اول قدر محذوراتی موجب دکلدر . مع مافیه
دوقنور گوستاو امراض مذکوریه یی نظر دفته آلدقدن صکره توتونك
بر حاجت دائمه کبی استعمالندن مصائب مؤثره تولد ایده جگنه دائر انجمن
اطباءنك براعلاننامه نشر ایتیمی لزومی ادعا ایتمشدر .

توتونه مبتلا اولانلرك چهره لرده غريب برتحوالات گورلمكده اولدینی
كی بونلرده تدریجاً ظهور ایدن بعض احوال دخی موجب خوف و یا
نفرت اولمقده در .

فی الحقیقه [آرسنیک] کی شدید مواد سمیهی برائتلاف تدریجی اوزرینه
[پیره نه] اهاالینسك یدكلری روایت اولنیورسده توتونه اولان ابتلا نك مضراتی
مألوفیت دخی منع ایده میور! یا حال بویله ایکن بعض ذواتك متصل توتون
ایچملرینه نه دیملیدر ؟

قوای عقلیه نك تناقضنه یاردم ایدن بو فنا نبات حقنده اولان ابتلا ی
مصرانه، نبات مذکورك تأثیرات مضره سی ایچون بر دلیل عد اولنه مازمی ؟
صحت عمومیه نك بدلنه هیچ برتمع هیئت اجتماعیه یی مستفید ایدمیه -
جگندن مملکتزده دخی اشبو نباتك سؤ استعمال درجه سندن بالاتر اولق
اوزره مشهود اولان ابتلا ی عمومی یی منع ایچون عجباً بر تدبیره احتیاج
یوقیدر ؟ هرشیدن زیاده شایان اهمیتدر که آلتی، یدی یاشندن اعتباراً اطفال
مملکت گوره نك سیئه سیله بونبات مضر ایله انسیت ایتمکه مائل اولدقلرندن
عائله لرینك محافظه صحتی نامنه ولیلرك بوباید متبصرانه طاورانه لر ی اك
بیوك وظائفندر اعتقادنده یز. شمعی یه قدر اولنان تجربه لر دن صرف نظره
اصحاب مطالعه نك نظر انتباهنی جلب ایچون « لیون » دقتورلرندن موسیو
مونته نك فتح ابتدگی بر میت ده گوردیکی حالی عرض ایده لم :

« چوقه توتون استعمالنه منمك اولان بر شخص اولدكدن صكره فتح
« وتشرح اولندینی حالده گوجوك دیلنك آلت طرفدن بدأ ایله بتون هضم
« بورولری فوق العاده بر زمان استعمال اولغش اولان بر زفیرلی چپوق کی
« سیم سیاه ایدی . بوذات گوجك برچپوق ایچیورمش ! حیاتنده توتونسز
« قالدینی وقتلرده بدلا کی گزدیکی دخی خبر ویرمشلردر . »

شو مشاهده توتونك اك كوچك بر مضرتی اولق اوزره اعلان

اوله بيلور ! احوال مشروحه يه بناء دركه فرانسده انجمن اطبا مومى اليه
دوقور گوستاوك راپورتى « صحت عموميه » نامنه قبول وتصديق ايلدى .

تذكرة [۱]

بك افندمر !

غيرتك همان هر نسخه سى ترتيب سهويه آوده بولنيور . بونارك ايسه
اكثريسى نظر عاليرينه طوغرى گورينان سهولردن اولديغنده شبهه ايتم .
چونكه انسان يازدينى ويا اولجه اوقويوبده الفت نظر حاصل ايتديكى
بر مقاله نك ترتيب خطالرينى انساى تصحيحده گورمگه موفوق اوله ماز .
(نقشده تجربه مله اينان سويلرم سكا)

از جمله ذات عاليكز ده رشديه مكتبنه دوام ايتديكز زمانلرده
اوكرنش اولديغكزده سزى بيلانلارك واليوم آثار بليغانه لرينى اوقويانلر ايچنده
حتى معارضكز گچينانلارك بيله شبهه ايده ميه جكلرى كلهلر مثلا (زهراب)
رينه ذال ايله (زهراب) صورتنده كچييور .

نه حاجت، اون سكرنجى نسخه نك صوگنده (اعتذار) سرنامه سييله
يازديغكز فقره نك برنجى سطرينك ايكنجى كله سنده برحرف مد برلامه
مبدل و بناء عليه زواللى كمال (ككل) اولمش و بونكده صوك تصحيحده
طرف عاليلاردن فرقه وارلامشدر . بوايسه (دفع الفاسد بالافسد)
قيلندندر كه تركجه سى قاش بياركن گوز چيقارمقدر .

[۱] بوتذكره يي غيرت محرى طاهر بك افندى يه يازمش ايدم . مير مومى
البد برفقره سنى طلى ايله غيرته درج بيورمشلر . تذكره نك اوليله برهفته ايچنده ايكي
رساله ده آبرى آبرى دكل هيچ برصورتله نشر اولمغه دكرى اولديغنى اعتراف ايله
برابر طاهر بك طرفسندن طلى ايديلان فقره سنىك ابقاسيله مجموعه عاجزانه مله دخى
نشرينه مبادرت ايلدم . للطابع